

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI

**S L U Ź B E N I      G L A S N I K**

OPĆINE ZAVIDOVIĆI

3/99

od 26.2.1999.godine

SLUŽBENI GLASNIK IZDAJE:

Služba Općinskog vijeća Zavidovići

ODGOVORNI UREDNIK:

Hajrudin Katardžić, dipl.prav.

## I - AKTI OPĆINSKOG VIJEĆA

- 33 -

Na osnovu člana 10. stav 1. Zakona o prometu nepokretnosti ("Službeni list SRBiH", broj 38/78, 4/89, 22/90, 22/91) i ("Službeni list RBiH", broj 21/92, 13/94 i 18/94) i člana 3. Statuta općine Zavidovići ("Službeni glasnik općine Zavidovići", broj 1/98), Općinsko vijeće Zavidovići na svojoj 13. sjednici održanoj 27.11.1998.godine, donijelo je

## O D L U K U

o davanju saglasnosti na promet  
nepokretnosti u društvenoj svojini

## Član 1.

Daje se saglasnost na promet nepokretnosti u društvenoj svojini označenih sa: k.č.162/1 zv. "Debeli lug" ("Katrana"), pašnjak 2.klase površine 5515 m<sup>2</sup>, k.č. 162/4 zv. "Debeli lug" ("Katrana"), pašnjak 2.klase površine 499 m<sup>2</sup> i k.č. 162/5 zv. "Debeli lug" ("Katrana"), pašnjak 2.klase površine 241 m<sup>2</sup>, sve upisane u P.L. 117 K.O. Vozuća u korist Općine Zavidovići, te parcele k.č. 162/2 zv. "Debeli lug", pašnjak 2.klase u površini od 500 m<sup>2</sup> i k.č. 162/3 zv. "Debeli lug", pašnjak 2.klase u površini od 499 m<sup>2</sup> iz posjedovnog lista broj 117 K.O. Vozuća.

## Član 2.

Ovlašćuje se Općinski načelnik da u ime Općine Zavidovići zaključi ugovor o kupoprodaji nepokretnosti, bliže označenih u članu 1. ove odluke, između Općine Zavidovići kao prodavca i preduzeća "Ferimpex" iz Zavidovića kao kupca.

## Član 3.

Ova odluka stupa na snagu danom donošenja, a naknadno će se objaviti u "Službenom glasniku općine Zavidovići".

OPĆINA ZAVIDOVIĆI  
- OPĆINSKO VIJEĆE -

Broj: 01-023-54

Datum, 27.11.1998.godine

PREDSEDavajući  
OPĆINSKOG VIJEĆA

Doc.dr Refik Ćatić, s.r.

- 34 -

Na osnovu člana 4. Zakona o upravi u Federaciji Bosne i Hercegovine ("Službene novine Federacije Bosne i Hercegovine", broj 28/97), Općinsko vijeće Zavidovići na 15.sjednici od 25.2.1999.godine, usvojilo je

## O D L U K U

o osnivanju i djelokrugu općinskih službi za upravu  
Općine Zavidovići

### I - OPĆE ODREDBE

#### Član 1.

Ovom odlukom uređuje se osnivanje jedinstvenog općinskog organa i koordinacija rada, javnost rada kao i druga pitanja od značaja za njegov rad i funkcionisanje.

#### Član 2.

Jedinstveni općinski organ uprave obavlja poslove lokalne samouprave iz samoupravnog djelokruga rada organa uprave utvrđene Zakonom o lokalnoj samoupravi ("Službene novine Zeničko-dobojskog kantona", broj 13/98) i Statuta općine Zavidovići ("Službeni glasnik općine Zavidovići", broj 2/99).

Osim poslova iz prethodnog stava, jedinstveni općinski organ uprave obavlja i poslove koje mu prenese Zeničko-dobojski kanton.

### II - OPĆINSKA UPRAVA

#### a) Općinski načelnik

#### Član 3.

Općinskim organom uprave rukovodi Općinski načelnik.

Općinski načelnik obavlja poslove iz svoje nadležnosti utvrđene Ustavom Zeničko-dobojskog kantona ("Službene novine Zeničko-dobojskog kantona", broj 7/96), Zakona o lokalnoj samoupravi ("Službene novine Zeničko-dobojskog kantona", broj 13/98) i Statuta općine Zavidovići ("Službeni glasnik općine Zavidovići", broj 2/99).

#### Član 4.

Općinski načelnik u vršenju poslova iz svoje nadležnosti donosi pravilnike, naredbe, uputstva, rješenja, zaključke i preporuke.

U rukovođenju općinskog organa uprave Općinskom načelniku pomažu rukovodioci službi za upravu.

- 35 -

## Član 5.

Za vršenje upravnih i stručnih poslova lokalne samouprave iz nadležnosti Općinskog načelnika i prenesenih poslova, osnivaju se službe za upravu, i to:

1. Služba za upravu privrednih djelatnosti,
2. Služba za upravu društvenih djelatnosti,
3. Služba za upravu pitanja boraca, raseljenih lica i izbjeglica,
4. Služba za upravu geodetskih poslova i katastar ne kretnina.

## Član 6.

Služba za upravu privrednih djelatnosti vrši upravne i druge stručne poslove koji se odnose na organizovanje i funkcionisanje komunalnih, privrednih i uslužnih djelatnosti, proizvodnju i distribuciju toplotne energije, izgradnju lokalne putne mreže (nekategorisani putevi) i njeno održavanje, unapređenje i razvoj poljoprivredne djelatnosti, iskorištavanje i zaštita privrednih bogatstava, šumarstvo, lov, ribolov, zanatstvo, urbanizam, građenje, prostorno uređenje i planiranje, kontrola cijena, turizam, radni odnosi i zašljavanje.

## Član 7.

Služba za upravu društvenih djelatnosti i opću upravu vrši upravne i druge stručne poslove koji se odnose na poslove prijeme kancelarije, ovjeru potpisa i rukopisa, vođenje biračkih spiskova, pružanje pravne pomoći građanima, predškolskog, osnovnog i srednjeg obrazovanja, kulturu, sport, fizičku kulturu, nauku, socijalnu i dječiju zaštitu, informisanje, zdravstvo, budžet, opću upravu i saradnju sa humanitarnim organizacijama.

## Član 8.

Služba za upravu pitanja boraca, raseljenih lica i izbjeglica vrši upravne i stručne poslove koji se odnose na zaštitu boraca, njihovih porodica, kao i druga pitanja utvrđena federalnim i kantonalnim zakonom.

Osim poslova iz prethodnog stava, Služba će obavljati i upravne i druge stručne poslove koji se odnose na raseljena lica i izbjeglice, a koja su utvrđena zakonom.

## Član 9.

Služba za upravu geodetskih poslova i katastar nekretnina vrši upravne i druge stručne poslove koji se odnose na poslove prijave i uspostavljanja katastra nekretnina koji su zakonom dati u nadležnost općini, održava premjer i katastar nekretnina i rješavanje upisa prava na nekretninama, vođenje propisane evidencije na nekretninama i na osnovu toga izdaje izvode, uvjerenja, kopije katastarskog plana i skice, pravilno obilježavanje granica zemljišta i objekata vidljivim i trajnim oznakama (biljezima) i o stanju tih biljega i oznaka premjera stara se na području općine, utvrđivanje i sumiranje nastalih tehničkih promjena na zemljištu, zgradama i drugim objektima od uticaja na podatke premjera i katastra nekretnina, otklanjanje nedostataka i

- 36 -

propusta kroz promjene u geodetskim planovima, kartama i elaboratu, katastarskom operatu, a promjene upisanih prava na nekretninama i odgovarajućim upisanim listovima, vršenje obnove dotrajalih dijelova ili cijelog katastarskog operata i stara se o reprodukciji dotrajalih i oštećenih radnih originala, geodetskih planova, imovinsko-pravne poslove i druge stvarno pravne odnose, pravni režim društvene svojine, imovinsko-pravnih odnosa na zemljištu i zgradama, imovinsko-pravne odnose na nepokretnostima na kojima općina ima pravo raspolaganja.

#### Član 10.

Za vršenje stručnih, tehničkih i drugih poslova za potrebe Općinskog vijeća, Općinskog načelnika i općinskih službi za upravu, može se obrazovati jedna služba, o čemu odluku donosi Općinski načelnik.

### III - RUKOVOĐENJE RADOM OPĆINSKIH SLUŽBI ZA UPRAVU

#### Član 11.

Rukovođenje radom općinskih službi za upravu, imenovanje i smjenjivanje službenika vrši Općinski načelnik.

Općinskom načelniku u rukovođenju pomažu rukovodioci službi za upravu (rukovodeći radnici).

#### Član 12.

Ovlašćenja rukovodioca službi za upravu bit će propisana posebnim aktom Općinskog načelnika.

#### Član 13.

Organizacija općinskih službi za upravu bit će utvrđena Pravilnikom o unutrašnjoj organizaciji i sistematizaciji.

### IV - PRELAZNE I ZAVRŠNE ODREDBE

#### Član 14.

Na dan 1.4.1999.godine utvrđuje se i prestaje sa radom:

1. Općinski sekretarijat za privredne djelatnosti,
2. Općinski sekretarijat za društvene djelatnosti i opću upravu,
3. Općinski sekretarijat za boračko-invalidsku zaštitu, raseljena lica i izbjeglice,
4. Općinska uprava za geodetske poslove i katastar nekretnina.

#### Član 15.

Na dan 1.4.1999.godine počinje sa radom jedinstveni općinski organ -  
- OPĆINSKI NAČELNIK.

- 37 -

Član 16.

Jedinstveni općinski organ preuzeće sredstva rada, službenu dokumentaciju, radnike i druga službena akta iz člana 14. ove odluke.

Član 17.

Sekretarima općinskih sekretarijata i direktoru Uprave prestaje funkcija sa 1.4.1999.godine.

Član 18.

Općinski načelnik donijet će Pravilnik o unutrašnjoj organizaciji sistematizaciji u roku od 15 dana od dana stupanja na snagu ove odluke.

Član 19.

Stupanjem na snagu ove odluke, prestaje da važi Odluka o obrazovanju i djelokrugu rada općinskih organa i službi ("Službeni glasnik općine Zavidovići", broj 1/95 i 1/96).

Član 20.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI  
- OPĆINSKO VIJEĆE -

Broj: 01-023-52

Datum, 25.2.1999.godine

PREDSJEDAVAJUĆI  
OPĆINSKOG VIJEĆA

Doc.dr Refik Čatić, s.r.

- 38 -

Na osnovu člana 14. Zakona o ustanovama ("Službeni list R BiH", broj 6/92, 8/93 i 13/94), a u vezi sa članom 69. stav 1. i 2. Zakona o zdravstvenoj zaštiti ("Službene novine Federacije Bosne i Hercegovine", broj 29/97) i člana 3. Statuta općine Zavidovići, Općinsko vijeće Zavidovići na 15. sjednici od 25.2.1999.godine, donijelo je

## O D L U K U

o dopuni Odluke o osnivanju Javne ustanove  
"Dom zdravlja" Zavidovići

### Član 1.

Za obavljanje javne službe u smislu Zakona o ustanovama i Zakona o zdravstvenoj zaštiti, Opština Zavidovići je Odlukom Općinskog vijeća Zavidovići, broj 01-023-4/98 od 02.02.1998.godine, organizovala Javnu ustanovu "Dom zdravlja" Zavidovići radi organizovanja i sprovođenja primarne zdravstvene zaštite stanovništva na području općine Zavidovići, kao i izuzetnog organizovanja i sprovođenja određenih vidova specijalističko-konsultativne zdravstvene zaštite pod uslovima utvrđenim zakonom.

Organizovanje Javne ustanove "Dom zdravlja" Zavidovići, u smislu prethodnog stava, upisano je u sudski registar Kantonalnog suda u Zenici pod brojem U/I-474/98, registarski uložak broj 2-204.

### Član 2.

U smislu stečenih uslova, odredaba člana 69. stav 1. i 2. Zakona o zdravstvenoj zaštiti ("Službene novine Federacije BiH", broj 29/97) i člana 14. Zakona o ustanovama ("Službeni list R BiH", broj 6/92, 8/93 i 13/94), Javna ustanova "Dom zdravlja" Zavidovići PROŠIRUJE djelatnost na organizovanje Poliklinike kao dijela Javne ustanove "Dom zdravlja" Zavidovići.

### Član 3.

Za obavljanje proširene djelatnosti iz člana 2. ove odluke Poliklinika kao dio Javne ustanove "Dom zdravlja" Zavidovići u organizacionom smislu čini posebnu organizacionu jedinicu Javne ustanove "Dom zdravlja" Zavidovići.

Djelatnost iz prethodnog stava sastoji se u organizovanju i sprovođenju specijalističko-konsultativne zdravstvene zaštite, dijagnostike i medicinske rehabilitacije, osim stacionarnog liječenja za stanovništvo opštine Zavidovići.

### Član 4.

Proširena djelatnost Doma zdravlja u skladu sa Odlukom o standardnoj

klasifikaciji djelatnosti ("Službene novine Federacije Bosne i Hercegovine", broj 28/98), je:

85. 110 Djelatnost bolnice, osim stacionarnog liječenja:

- specijalističko-konsultativna zaštita,
- dijagnostika,
- medicinska rehabilitacija.

Član 5.

Odluka stupa na snagu prvog narednog dana od dana objavljivanja u "Službenom glasniku općine Zavidovići."

OPĆINA ZAVIDOVIĆI  
- OPĆINSKO VIJEĆE -

Broj: 01-37-322

Datum, 25.2.1999.godine

PREDSJEDAVAJUĆI  
OPĆINSKOG VIJEĆA

Doc.dr Refik Čatić, s.r.

- 40 -

Na osnovu člana 11. stav 2. Zakona o javnim preduzećima ("Službeni list RBiH", broj 4/92 i 21/92) i člana 3. Statuta općine Zavidovići, Općinsko vijeće Zavidovići na 15. sjednici od 25.2.1999.godine, donijelo je

## R J E Š E N J E

o imenovanju predsjednika i članova Upravnog odbora  
Javnog preduzeća KP "Radnik" Zavidovići

### I

Imenuju se članovi Upravnog odbora Javnog preduzeća KP "Radnik" Zavidovići kako slijedi:

1. VUKOVIĆ SENAD - za predsjednika, iz reda osnivača,
2. STARČEVIĆ SULEJMAN - za člana, iz reda osnivača,
3. MEHANOVIĆ SEAD - za člana, iz reda osnivača,
4. MUHIĆ HAMZA - za člana, iz reda zaposlenih,
5. ODŽEČKIĆ MIRSADA - za člana, iz reda zaposlenih.

### II

Rješenje stupa na snagu danom donošenja, a bit će objavljeno u "Službenom glasniku općine Zavidovići."

OPĆINA ZAVIDOVIĆI  
- OPĆINSKO VIJEĆE -

Broj: 01-111-49

Datum, 25.2.1999.godine

PREDSEDavajući  
OPĆINSKOG VIJEĆA

Doc.dr Refik Čatić, s.r.

- 41 -

Na osnovu člana 32. Poslovnika Općinskog vijeća Zavidovići, Općinsko vijeće Zavidovići na 15.sjednici od 25.2.1999.godine, donijelo je

**R J E Š E N J E**

o izmjeni Rješenja o izboru predsjednika i članova  
Verifikacione komisije

**I**

U Rješenju o izboru predsjednika i članova Verifikacione komisije (1.sjednica Vijeća od 6.11.1997.godine) u tački I, pod rednim brojem 1. umjesto imena i prezimena "Mirićanac Aida", treba da stoji "Starčević Šemsudin".

**II**

Rješenje stupa na snagu danom donošenja i bit će objavljeno u "Službenom glasniku općine Zavidovići."

OPĆINA ZAVIDOVIĆI  
- OPĆINSKO VIJEĆE -

Broj: 01-111-44

Datum, 25.2.1999.godine

PREDSJEDAVAJUĆI  
OPĆINSKOG VIJEĆA

Doc.dr Refik Čatić, s.r.

- 42 -

Na osnovu člana 25. Porodičnog zakona ("Službeni list SRBiH", broj 21/79 i 44/89) i člana 3. Statuta općine Zavidovići, Općinsko vijeće Zavidovići na 15.sjednici od 25.2.1999.godine, donijelo je

## R J E Š E N J E

o izmjeni Rješenja o određivanju vijećnika  
koji će prisustvovati sklapanju braka

### I

U Rješenju o određivanju vijećnika koji će prisustvovati sklapanju braka (2.sjednica Općinskog vijeća od 29.12.1997.godine) u tački I "Mjesni ured Zavidovići", pod rednim brojem 6. umjesto imena i prezimena "Zvekić Miroslava" treba da stoji ime i prezime "Suad Aličković".

### II

Rješenje stupa na snagu danom donošenja, a bit će objavljeno u "Službenom glasniku općine Zavidovići".

OPĆINA ZAVIDOVIĆI  
- OPĆINSKO VIJEĆE -

Broj: 01-111-44  
Datum, 25.2.1999.godine

PREDSJEDAVAJUĆI  
OPĆINSKOG VIJEĆA

Doc.dr Refik Čatić, s.r.

## II - AKTI OPĆINSKOG NAČELNIKA - 43 -

Na osnovu člana 60. Zakona o upravi u Federaciji Bosne i Hercegovine ("Službene novine FBiH", broj 28/97), a u vezi sa tačkom I Uputstva o načinu vršenja kancelarijskog poslovanja u organima uprave i službama za upravu u Federaciji Bosne i Hercegovine ("Službene novine FBiH", broj 30/98), Općinski načelnik Zavidovići dana 15.2.1999.godine, donio je

## R J E Š E N J E

o određivanju službi za upravu koje će voditi  
popise akata u 1999.godini

## I

Ovim rješenjem određuju se službe za upravu Općine Zavidovići koje će u 1999.godini voditi popise akata.

## II

Popise akata vodiće službenici po službama i to:

## 1. SLUŽBA OPĆINSKOG VIJEĆA, OPĆINSKOG NAČELNIKA I OPĆINSKIH ORGANA

a) Službenik nadležan za poslove rada i radnih odnosa pod osnovnom klasifikacionom oznakom 02/3-34 - vodiće popis akata za uvjerenja o radnom stažu radnika organa uprave i sva druga uvjerenja iz službene evidencije u skladu sa članom 169. Zakona o upravnom postupku,

b) Službenik nadležan za poslove Općinskog vijeća i Općinskog načelnika pod osnovnom klasifikacionom oznakom 02/4-05 - vodiće pozive za sjednice vijeća, komisija vijeća i druge sjednice i sastanke, kao i vanupravne akte vezane za rad Općinskog načelnika i akte koji proizilaze iz člana 169. Zakona o upravnom postupku,

c) potrebe za izdavanje goriva za sve organe i službe.

## 2. OPĆINSKI SEKRETARIJAT ZA PRIVREDNE DJELATNOSTI

a) Službenik nadležan za zanatstvo pod osnovnim klasifikacionim brojem 03/5-4-21 - vodiće uvjerenja i druge akte iz evidencija radnih odnosa radnika i poslodavaca, ovjere trgovačkih knjiga na malo i druge akte koji proizilaze iz člana 169. Zakona o upravnom postupku.

## 3. OPĆINSKI SEKRETARIJAT ZA DRUŠTVENE DJELATNOSTI I OPĆU UPRAVU

a) Službenik nadležan za poslove prijemne kancelarije pod osnovnim klasifikacionim znakom 04/10-49 - vodiće uvjerenja o porodičnom stanju, akte u oblasti izdravanja i druge akte iz člana 169. Zakona o upravnom postupku.

b) Službenici nadležni za građanska stanja - matičari u MU Zavidovići, Vozuća, Pašin Konak, Kovači i Gostović pod osnovnim klasifikacionim brojem 04/9-13 - vodiće sva akta iz evidencija matičnih knjiga rođenih, umrlih, vječnih, državljanstva kao i druge akte koji se izdaju na osnovu člana 169. Zakona o upravnom postupku.

- 44 -

4. OPĆINSKI SEKRETARIJAT ZA BORAČKO-INVALIDSKU  
ZAŠTITU, RASELJENA LICA I IZBJEGLICE

a) Službenik nadležan za poslove boračko-invalidske zaštite pod osnovnom klasifikacionom oznakom 05/2-41 - vodiće uvjerenja iz evidencija o vojnom invaliditetu, evidencija poginulih i sva druga uvjerenja koja se izdaju na osnovu člana 169. Zakona o upravnom postupku,

b) Službenik nadležan za poslove izbjeglica i raseljenih lica pod osnovnim klasifikacionim brojem 05/3-36 - vodiće uvjerenja iz evidencija o izbjeglim i raseljenim licima i druga uvjerenja i akte koji se izdaju na osnovu člana 169. Zakona o upravnom postupku.

## 5. OPĆINSKI ŠTAB CIVILNE ZAŠTITE

a) Službenik nadležan za poslove civilne zaštite pod osnovnom klasifikacionom oznakom 07/2-44 - vodiće sva uvjerenja i akte koji se izdaju na osnovu člana 169. Zakona o upravnom postupku.

## III

Stupanjem na snagu ovog rješenja, prestaju da važe sva ranije donesena rješenja koja su regulisala pitanja službenika koji su vodili popise akata.

## IV

Ovo rješenje stupa na snagu danom donošenja, a primjenjivat će se od 1.3.1999.godine i naknadno će biti objavljeno u "Službenom glasniku općine Zavidovići."

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON

OPĆINA ZAVIDOVIĆI

Broj: 01/1-49-319

Datum, 15.2.1999.godine

OPĆINSKI NAČELNIK

Husein Zilkić, dipl.ing.maš., s

## S A D R Ź A J

## I - AKTI OPĆINSKOG VIJEĆA

|                                                                                                               | Strana |
|---------------------------------------------------------------------------------------------------------------|--------|
| 1. ODLUKA o davanju saglasnosti na promet nepokretnosti u društvenoj svojini .....                            | 33     |
| 2. ODLUKA o osnivanju i djelokrugu općinskih službi za upravu Općine Zavidovići .....                         | 34     |
| 3. ODLUKA o dopuni Odluke o osnivanju Javne ustanove "Dom zdravlja" Zavidovići .....                          | 38     |
| 4. RJEŠENJE o imenovanju predsjednika i članova Upravnog odbora Javnog preduzeća KP "Radnik" Zavidovići ..... | 40     |
| 5. RJEŠENJE o izmjeni Rješenja o izboru predsjednika i članova Verifikacione komisije .....                   | 41     |
| 6. RJEŠENJE o izmjeni Rješenja o određivanju vijećnika koji će prisustvovati sklapanju braka .....            | 42     |

## II - AKTI OPĆINSKOG NAČELNIKA

|                                                                                            |    |
|--------------------------------------------------------------------------------------------|----|
| 1. RJEŠENJE o određivanju službi za upravu koje će voditi popise akata u 1999.godini ..... | 43 |
|--------------------------------------------------------------------------------------------|----|